

毛澤東評點 《智囊》

第七分冊

捷智部靈變卷十三

一日百戰成敗如絲。三年造車覆於臨時。去凶卽吉。匪夷所思。集靈變。

○鮑叔

公子糾走魯。公子小白奔莒。旣而國殺無知。未有君。公子糾與公子小白皆歸。俱至。爭先入。管仲扞弓射公子小白中鉤。鮑叔御公子小白僵。管仲以爲小白死。告公子糾曰。安之。公子小白已死矣。鮑叔因疾驅先入。故公子小白得以爲君。鮑叔之智。應射而令公

子僵也。其智若鏃矢也。

王守仁以疏救戴銑。廷杖謫龍場驛。守仁微服疾驅過江。作弔屈原文。見志。尋爲投江絕命詞。佯若已死者。詞傳至京師。時逆瑾怒猶未怠。擬遣客間道往殺之。聞已死。乃止。智與鮑叔同。

○管夷吾

齊桓公因鮑叔之薦。使人請管仲于魯。施伯曰。是固將用之也。夷吾○智○士用于齊。則魯危矣。不如殺而以屍授之。魯君欲殺仲。使人曰。寡君欲親○亦○會○話以爲戮。如得屍。猶

未得也。乃束縛而檻之，使役人載而送之齊。管子恐魯之追而殺之也，欲速至齊。因謂役人曰：「我爲汝唱，汝爲我和。」其所唱適宜，走役人不倦，而取道甚速。呂不韋曰：「役人得其所欲，管子亦得其所欲。」陳明卿曰：「使桓公亦得其所欲。」

○漢高帝

楚漢久相持未決。項羽謂漢王曰：「天下洶洶，徒以我兩人願與王挑戰決雌雄，毋徒罷天下父子爲也。」漢王笑謝曰：「吾寧鬪智，不能鬪力。」項王乃與漢王相與。

臨廣武間而語。漢王數羽罪十。項王大怒。伏弩射中漢王。漢王傷胸。乃捫足曰。虜中吾指。漢王病創臥。張良彊起行勞軍。以安士卒。毋令楚乘勝于漢。漢王出行軍。病甚。因馳入成皐。小白不僵而僵。漢王傷而不傷。一時之計。俱造百世之業。

○晉明帝

王敦將舉兵內向。明帝密知之。乃乘巴賓駿馬微行。至于湖陰。察敦營壘而出。有軍人疑明帝非常人。又

敦正晝寢夢日環其城驚起曰此必黃鬚鮮卑奴來也。帝姓荀氏燕代人帝狀類外氏鬚黃故云於是使五騎物色追帝。帝亦馳去見逆旅賣食嫗以七寶鞭與之曰後有騎來可。以此示俄而追者至問嫗嫗曰去已遠矣因以鞭示之五騎傳翫稽留良久帝遂免。

○爾朱敞

齊神武韓陵之捷盡誅爾朱氏榮族于敞

字乾羅小彥伯子

隨母養于宮中及年十二自竇而走至大街見羣兒戲敞解所着綺羅金翠之服易衣而遁追騎尋至便

執綺衣兒。比寃問非是。會日暮遂得免。

○韋孝寬

尉遲迥先爲相州總管。詔韋孝寬代之。又以小司徒叱列長文爲相州刺史。先令赴鄴。孝寬續進至朝歌。迥遣其大都督賀蘭貴齋書候孝寬。孝寬畱貴與語以察之。疑其有變。遂稱疾徐行。又使人至相州求醫藥。密以伺之。旣到湯陰。逢長文奔還。孝寬密知其狀。乃馳還。所經橋道皆令毀撤。驛馬悉擁以自隨。又勒驛將曰。蜀公將至。可多備餽酒及芻粟以待之。迥果

遣儀同梁子康將數百騎追孝寬驛司供設豐厚所經之處皆輒停畱由是不及。

○○宗典等

晉元帝叔父東安王繇爲成都王穎所害懼禍及潛出奔至河陽爲津吏所止從者宗典後至以馬鞭拂之謂曰舍長官禁貴人而汝亦被拘耶因大笑繇是得釋。

宇文泰與侯景戰泰馬中流矢驚逸泰墜地東魏兵及之左右皆散李穆下馬以策擊泰背罵之曰籠凍

軍士爾曹主何在、而獨留此。追者不疑是貴人、因捨而過。穆以馬授泰、與之俱逸。

王廞之敗、沙門曇永匿其幼子華、使提衣襪自隨。津邏疑之、曇永呵華曰、奴子何不速行。捶之數、繇曰、是得免。

○王羲之

此子似誤、待重

王右軍幼時、大將軍甚愛之、恒置帳中眠。大將軍嘗先起、須臾錢鳳入、屏人論逆節事。都忘右軍在帳中。右軍覺、既聞所論、知無活理、乃剔吐污頭面、被褥詐

熟眠。敦論事半。方悟右軍未起。相與大驚曰。不得不除之。及開帳。乃見吐唾縱橫。信其實熟眠。由是得全。○○徐敬業歲

徐敬業十餘歲。好彈射。英公每曰。此兒相不善。將赤吾族。常因獵。命敬業入林。趣獸。因乘風縱火。意欲殺之。敬業知無所避。遂屠馬腹。伏其中。火過。浴血而立。英公大奇之。

凡子弟負跼蹐之奇者。恃才不檢。往往爲家門之禍。如敬業破轅之兆。見于童牛。英公明知其爲族

崇而竟不能除之。豈終惜其才智乎。抑英公勸立武氏殺唐子孫殆盡。天故以敬業酬之也。諸葛恪有異才。其父瑾嘆曰。此子不大昌。吾宗將赤。吾族其後果以逆誅。隋楊智積文帝姪有五男。止教讀論語孝經。不令通賓客。或問故。荅曰。多讀書廣交游。才由是益。有才亦能產禍。人服其識。弘正間。胡世寧字永清。仁和人有將畧。按察江西。時江西盜起。方議勦軍官來謁。適世寧他出。乃見其幼子繼。繼曰。兵素不習。豈能見我父哉。軍官跪請教。繼乃指示進退。

離合之勢甚詳。凡三日而世寧歸。閱兵大異之。顧軍官不辦此。誰教若者。以實對。繼初不善讀書。父以愚棄之。至是嘆曰。吾有子自不知乎。自此每擊賊。必從繼方略。世寧十不失三。繼十不失一也。世寧上疏。乞以禮法裁制寧王。繼跪曰。疏入必重禍。不聽。果下獄。繼因念父病死。世寧母獨不哭。曰。此子在。當作賊。胡氏滅矣。此母亦大有見識。

○吳郡卒

蘇峻亂。諸庾逃散。庾冰時爲吳郡。單身奔亡。吏民皆

去、惟郡卒獨以小船載冰出錢塘口、以蘧蔭覆之。時峻賞募覓冰、屬所在搜括甚急。卒泊船市渚、因飲酒醉還、舞棹向船曰、何處覓庾吳郡。此中便是。冰大驚怖、然不敢動。監司見船小、裝狹、謂卒狂醉、都不復疑。自送過浙江、寄山陰魏家、得免。後事平、冰欲報卒、問其所願。卒曰、正自廁下、不願名器、少苦執鞭、恒患不得快飲酒、使其酒足餘年畢矣、無所復須。冰爲起大舍、市奴婢、使門內有百斛酒、終其身。時謂此卒非惟有智、且亦達生。

○元伯顏

有告乃顏反者。詔伯顏窺覘之。乃多載衣裘入其境。輒以與驛人。既主乃顏爲設宴謀執之。伯顏覺。與其從者趨出。分三道逸去。驛人以得衣裘故爭獻健馬。遂得脫。

○○陳平

陳平間行。仗劍亡渡河。船人見其美丈夫。獨行。疑其亡將。腰中當有金寶。數目之。平恐。乃解衣裸而佐刺船。船人知其無有。乃止。

平事漢凡六出奇計。請捐金行反間一也。以惡草
具進楚使。離間亞夫二也。夜出女子二千人解榮
陽圍三也。躡足請封齊王信四也。請僞游雲夢縛
信五也。使畫工圖美女間遣人遺閼氏說之解白
登之圍六也。六計中惟躡足封信最妙。若僞游雲
夢大錯。夫雲夢可游何必曰僞。且謂信必迎謁。因
而擒之。旣度其必迎謁矣。而猶謂之反乎。察之可
遽擒之。則不可擒一信而三大功臣相繼疑懼。駢
首滅族。平之貽禍烈甚矣。○有人舟行出鋤石盃

飲酒。舟人疑爲真金。頻矚之。此人乃就水洗盃。故。墮之水中。舟人駭惜。因曉之曰。此鍤石盃。非真金。不足惜也。與曲逆解衣刺船之智相類。

○劉備

曹公素忌先主。公嘗從容謂先主曰。今天下英雄。惟使君與操耳。本初之徒。不足數也。先主方食。失匕箸。適雷震。因謂公曰。聖人云。迅雷風烈。必變。良有以也。一震之威。乃至於此。

相傳曹公以酒後畏雷。閒時灌圃。輕先主。卒免於

難。然。則。先。主。好。結。髦。焉。知。非。灌。圖。故。智。

○崔巨倫

北魏崔巨倫

字孝宗

嘗任殷州別將。州爲賊陷。葛榮聞

其才名。欲用之。巨倫規自脫。適五月五日。會集百僚。命巨倫賦詩。巨倫詩曰。五月五日詩。天氣已大熱。狗便呀欲死。牛復吐出舌。聞者閤然發噱。以此自悔。獲免。已潛結死士數人。乘夜南走。遇邏騎。衆危之。巨倫曰。寧南死一寸。豈北生一尺。遽給賊曰。吾受敕行。賊方焚火觀勅。巨倫輒拔劍斬賊帥。餘衆驚走。因得脫。